



SURAT PEKELILING PERBENDAHARAAN NEGERI BIL. 4 TAHUN 2014

Semua Pegawai Pengawal Jabatan Kerajaan Negeri,
Semua Ketua Pengurusan Pihak Berkuasa Berkanun Negeri,
Semua Ketua Pengurusan Pihak Berkuasa Tempatan Negeri,

PINDAAN

GARIS PANDUAN PERBELANJAAN SECARA BERHEMAT BAGI MENGURANGKAN PERBELANJAAN AWAM

1. TUJUAN

- 1.1 Tujuan surat pekeliling ini dikeluarkan adalah untuk memaklumkan mengenai persetujuan Kerajaan Negeri menerimapakai Surat Pekeliling Perbendaharaan (Persekutuan) Bilangan 4 Tahun 2014 mengenai Pindaan Garis Panduan Perbelanjaan Secara Berhemat Bagi Mengurangkan Perbelanjaan Awam.

2. LATAR BELAKANG

- 2.1 Kerajaan Negeri telah mengumumkan untuk turut menerima pakai 11 langkah penjimatan bagi mengurangkan perbelanjaan awam sebagaimana Pekeliling Perbendaharaan [Persekutuan] Bilangan 2 Tahun 2014 melalui Pekeliling Perbendaharaan Negeri Bilangan 1 Tahun 2014 berkuatkuasa pada 15 Januari 2014 dan juga Surat Pekeliling Perbendaharaan Negeri Bilangan 1 Tahun 2014 berkenaan dengan Kelayakan Tiket Penerbangan Domestik yang berkuatkuasa pada 15 Februari 2014.
- 2.2 Berkuatkuasa pada 01 Julai 2014, Kerajaan Persekutuan telah membuat pindaan kepada garis panduan perbelanjaan secara berhemat berkenaan bagi mengurangkan perbelanjaan awam melalui Surat Pekeliling Perbendaharaan (Persekutuan) Bilangan 4 Tahun 2014 yang melibatkan pindaan kepada imbuhan

tetap keraian pegawai kanan kerajaan, kemudahan bayaran tol dan kelayakan tiket kapal terbang.

3.0 PEMAKAIAN PEKELILING

- 3.1 Setelah turut sama meneliti pelaksanaan langkah penjimatan berkenaan serta langkah-langkah penjimatan yang lain yang berkuatkuasa, Kerajaan Negeri turut bersetuju untuk menerimapiakai Surat Pekeliling Perbendaharaan (Persekutuan) Bil. 4 Tahun 2014 mengenai Pindaan Garis Panduan Perbelanjaan Secara Berhemat Bagi Mengurangkan Perbelanjaan Awam.

4.0 KUATKUASA

- 4.1 Surat Pekeliling Perbendaharaan (Persekutuan) Bilangan 4 Tahun 2014 bolehlah di muatturun melalui laman sesawang Perbendaharaan Negeri Kelantan : <http://www.pkn.kelantan.gov.my> .

- 4.2 Surat Pekeliling ini berkuatkuasa mulai **01 Julai 2014**.


5.0 PEMBATALAN

- 5.1 Surat Pekeliling Perbendaharaan Negeri Bilangan 1 tahun 2014 rujukan P.K.N.A.1/20-1/jld.4 (10) bertarikh 15 Februari 2014 adalah dibatalkan.

Sekian, terima kasih.

“ SYARIAT DIPATUHI, RAJA DIHORMATI, RAKYAT DILINDUNGI ”

Saya yang menurut perintah,



DATO' HAJI NIK KAZIM BIN HAJI NIK YUSOFF, D.P.S.K (Kelantan)

Pegawai Kewangan Negeri

Kelantan.

Bertarikh : 15 Safar 1436H Bersamaan 08 Disember 2014M

Rujukan : [P.K.N.A.1/20-1/Jld.4 (19)]

Salinan kepada:

Yang Amat Berhormat Ustaz Dato' Menteri Besar Kelantan

Yang Berhormat Dato' Setiausaha Kerajaan Negeri Kelantan

Yang Berusaha Pengarah Audit Negeri Kelantan

Yang Berusaha Bendahari Negeri Kelantan



KEMENTERIAN KEWANGAN

SURAT PEKELILING PERBENDAHARAAN BIL. 4 TAHUN 2014

Semua Pegawai Pengawal
Semua Ketua Jabatan/Agensi Persekutuan
Semua Ketua Badan Berkanun Persekutuan

**PINDAAN
GARIS PANDUAN PERBELANJAAN SECARA BERHEMAT
BAGI MENGURANGKAN PERBELANJAAN AWAM**

TUJUAN

Tujuan surat pekeliling ini adalah untuk memaklumkan kepada semua Ketua Setiausaha Kementerian/Ketua Jabatan/Ketua Badan Berkanun dan Ketua Agensi-agensi lain mengenai pindaan kepada Pekeliling Perbendaharaan Bil. 2 Tahun 2014 - Garis Panduan Perbelanjaan Secara Berhemat Bagi Mengurangkan Perbelanjaan Awam.

LATAR BELAKANG

2. Kerajaan telah mengumumkan untuk melaksanakan 11 langkah penjimatan bagi mengurangkan perbelanjaan sektor awam bermula 1 Januari 2014. Di antara langkah penjimatan tersebut adalah pengurangan Imbuhan Tetap Keraian bagi pegawai kanan Kerajaan di antara lima (5) hingga sepuluh (10) peratus, pengurangan kemudahan bayaran tol kepada pegawai kanan Kerajaan di antara RM50 dan RM100 serta pindaan kelayakan kelas tempat duduk penerbangan penjawat awam.

PINDAAN

3. Kerajaan telah meneliti semula pelaksanaan langkah penjimatan berkenaan serta langkah-langkah penjimatan lain yang berkuat kuasa dan memutuskan perkara-perkara berikut:

Imbuhan Tetap Keraian

- 3.1 membatalkan pengurangan Imbuhan Tetap Keraian bagi pegawai kanan Kerajaan. Justeru, pegawai kanan Kerajaan akan menerima semula Imbuhan Tetap Keraian pada kadar asal tanpa sebarang pengurangan mulai bayaran emolumen bulan Julai 2014.

Kemudahan Bayaran Tol

- 3.2 membatalkan pengurangan kemudahan bayaran tol kepada pegawai kanan Kerajaan. Sehubungan itu, pegawai akan menerima semula nilai maksimum kemudahan bayaran tol sebanyak RM500 seperti mana ditetapkan dalam Pekeliling Perbendaharaan Bil. 5 Tahun 2013 - Pengurusan Kenderaan Kerajaan.

Kelayakan Tiket Penerbangan

- 3.3 meminda kelayakan tempat duduk penerbangan untuk perjalanan seperti berikut:

- i. Penerbangan di dalam negeri (domestik):

<u>Gred/Pangkat</u>	<u>Kelas</u>
53 dan ke atas/Penolong Kanan Pesuruhjaya Polis dan ke atas	Perniagaan
52 dan ke bawah/Penolong Pesuruhjaya Polis dan ke bawah	Ekonomi

- ii. Penerbangan ke luar negeri (antarabangsa):

<u>Gred/Pangkat</u>	<u>Kelas</u>
Utama/Khas A dan ke atas/Timbangan Ketua Polis Negara dan ke atas	Satu
Utama/Khas B dan C/Pesuruhjaya Polis dan Timbalan Pesuruhjaya Polis	Perniagaan
54 dan ke bawah/Penolong Kanan Pesuruhjaya Polis dan ke bawah	Ekonomi

Tempahan Tiket Penerbangan

4. Bagi tempahan tiket penerbangan, pegawai boleh menempah tiket penerbangan **menggunakan Waran Perjalanan Udara Awam (WPUA) atau membeli sendiri daripada syarikat penerbangan/agensi pengembaraan** seperti mana yang telah ditetapkan melalui Surat Pekeliling Perbendaharaan Bil. 2 Tahun 2010 - Kaedah Penempahan dan Pembelian Tiket Serta Pembayaran Untuk Semua Perjalanan Udara Rasmi serta pindaan yang dibuat dari semasa ke semasa.
5. Tempahan tiket penerbangan menggunakan WPUA hendaklah dibuat seperti berikut:
 - 5.1 Bagi sektor penerbangan di dalam negeri (domestik), tempahan tiket adalah berdasarkan kepada harga pasaran dan mengikut kelayakan pegawai.
 - 5.2 Bagi sektor penerbangan ke luar negeri (antarabangsa), tempahan tiket adalah seperti berikut:
 - i. Pegawai Gred Utama/Khas A dan ke atas/Timbangan Ketua Polis Negara dan ke atas berkelayakan tempat duduk Kelas Satu dan pegawai Gred Utama B dan C/Pesuruhjaya Polis dan Timbalan Pesuruhjaya Polis berkelayakan tempat duduk Kelas Perniagaan, tempahan tiket adalah berdasarkan kepada harga pasaran.
 - ii. Pegawai Gred 54 dan ke bawah/Penolong Kanan Pesuruhjaya Polis dan ke bawah:
 - a. bagi perjalanan kurang daripada empat (4) jam, tempahan tiket adalah berdasarkan Kelas Ekonomi mengikut harga pasaran;
 - b. bagi perjalanan melebihi empat (4) jam (dikira dari waktu pelepasan terakhir) ke luar negeri yang menggunakan Sistem Penerbangan Nasional (*Malaysia Airlines - MAS*), dibenarkan mengguna kadar tambang tiket Kelas Ekonomi mengikut harga *International Air Transport Association (IATA)* bagi melayakkan untuk dinaiktaraf kepada Kelas Perniagaan; dan
 - c. bagi perjalanan yang melibatkan beberapa penerbangan (transit) dalam hari yang sama menggunakan syarikat penerbangan selain daripada MAS, kelayakan adalah berdasarkan Kelas Perniagaan mengikut harga pasaran.

- iii. Tanpa menjejaskan kemudahan di perenggan di atas, bagi perjalanan yang melibatkan kombinasi MAS dengan penerbangan asing, harga IATA hendaklah digunapakai sekiranya harga pasaran lebih mahal.

6. Selain daripada peraturan ini, peraturan-peraturan lain dalam Pekeliling Perbendaharaan Bil. 2 Tahun 2014 adalah masih dikekalkan.

TARIKH KUAT KUASA


7. Surat Pekeliling Perbendaharaan ini berkuat kuasa mulai 1 Julai 2014.

PEMBATALAN

8. Surat Arahan Perbendaharaan rujukan KK/BP/WAI/10/843/2 Jld. 7 sk.1/2014 (1) bertarikh 8 Januari 2014 adalah dibatalkan.

“ BERKHIDMAT UNTUK NEGARA ”

Saya yang menurut perintah,


(Tan Sri Dr. Mohd Irwan Serigar bin Abdullah)
Ketua Setiausaha Perbendaharaan
Kementerian Kewangan Malaysia
Putrajaya

1 Julai 2014

s.k.:

Ketua Setiausaha Negara
Ketua Audit Negara
Akauntan Negara Malaysia
Setiausaha Kerajaan Negeri
Pegawai Kewangan Negeri